

## **Ailffurfio falf aortig gyda phericardiwm buchol wedi'i brosesu**

14 Chwefror 2018

Dim ond fel rhan o astudiaeth ymchwil y gellir gwneud y driniaeth hon. Mae hyn am nad oes tystiolaeth ddigonol ynghylch pa mor dda y mae'r driniaeth hon yn gweithio na pha mor ddiogel ydyw.

Gall y falf aortig (un o'r pedwar falf yn y galon) ollwng neu fynd yn gul weithiau. Gall hyn olygu nad yw gwaed yn cael ei bwmpio o amgylch y corff yn iawn, a all achosi grychguriadau'r galon, blinder, diffyg anadl a phoen yn y frest. Yn y driniaeth hon, defnyddir pericardiwm buchol (y feinwe o amgylch calon buwch) sydd wedi'i thrin yn gemegol i greu falf newydd i'w gosod yn lle'r falf aortig sydd wedi'i niweidio yn y claf. Y nod yw gwella symptomau'r claf.

Gall [NHS Choices](#) fod yn fan da i gael gwybod mwy. Mae gan [ganllawiau triniaethau ymyriadol](#) NICE fwy o wybodaeth am driniaethau a sut rydym yn eu hasesu.

### **A yw'r driniaeth hon yn addas i mi?**

Os cawsoch gynnig y driniaeth hon, dylai eich gweithwyr gofal iechyd proffesiynol drafod yr hyn y mae'n ei olygu, egluro'r astudiaeth ymchwil, a dweud wrthyhch am y risgiau a'r manteision. Dylent drafod eich opsiynau gyda chi, a gwrando'n ofalus ar eich barn a'ch pryderon. Gall eich teulu fod yn rhan o'r broses hefyd, os ydych yn dymuno. Dylai hyn oll ddigwydd cyn y byddwch yn cytuno (rhoi cydsyniad) i gael y driniaeth ac i fod yn rhan o'r astudiaeth. Dylech hefyd gael gwybod sut i gael rhagor o wybodaeth am y driniaeth. Darllenwch ragor am [wneud penderfyniadau am eich gofal](#).

### **Rhai cwestiynau i feddwl amdanynt**

- Beth yn union yw'r driniaeth hon?

- Beth yw'r manteision posibl? Pa mor debygol ydw i o'u cael?
- Beth yw'r risgiau neu'r sgîl-ffeithiau? Pa mor debygol ydynt?
- Beth fydd yn digwydd os na fydd y driniaeth yn gweithio neu os aiff rhywbeth o'i le?
- Beth fydd yn digwydd os nad wyf eisiau'r driniaeth? A oes triniaethau eraill ar gael?

ISBN: 978-1-4731-2825-5